



**CANTON SARAJEVO**  
**Cantonal Civil Protection Administration**  
**Operational Center**

Broj: 22-04-44-1-262/18  
Sarajevo, 20.09.2018. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i članom 24. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 8/07) dostavljamo Vam:

**REDOVNI IZVJEŠTAJ**  
**za period od 07:00 sati 19.09.2018. do 07:00 sati 20.09.2018. godine**

**Općinska služba CZ Hadžići:** Dana 19.09.2018.godine u 12:30 sati u naselju Kasetići dva lica su povrijeđena usljed eksplozije mine u obilježenom minskom polju. Dvije muške osobe su ušle s traktorom u minsko polje, gdje je aktivirana minsko eksplozivna naprava PROM. Vozilom Općinske službe civilne zaštite Hadžići jedno od povrijeđenih lica dovezeno je u Dom zdravlja Hadžići, dok je drugo lice dovezeno vozilom Hitne pomoći. Prema informacijama Doma zdravlja Hadžići, oba lica su zadobila lakše tjelesne povrede (povreda ruke kod prvog i ogrebotina na abdomenu kod drugog). Nakon ukazane prve pomoći oba lica su prebačena na KCUS radi daljnjeg medicinskog tretmana.

Na mjestu nesreće izašao je pomoćnik načelnika civilne zaštite Općine Hadžići sa rukovodiocom za MTS-a i kordinator za NUS i deminiranje, kao i pripadnici policija, Federalna uprava civilne zaštite i BHMAL. Nadležni rgani će izvršiti uviđaj.

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to:

- dana, 19.09.2018. godine u 08:20 sati od Općinske službe civilne zaštite Hadžići, da je na lokaciji Kasatići, pronađen jedan NUS,

O primljenoj informaciji obaviješteni su pripadnici Tima za UES Federalne uprave civilne zaštite, koji su navedeno neeksplozirano ubojno sredstvo preuzeli u toku jučerašnjeg dana.



**Profesionalna vatrogasna jedinica Kantonalne uprave civilne zaštite Kantona Sarajevo:**

Dana, 19.09.2018.godine u 16:20 sati pripadnici Profesionalne vatrogasne jedinice su imali veću intervenciju u ulici Omera Dolovčića br .2., gdje je gorio krov zgrade. Požar je potpuno ugašen u 18:15 sati, pričinjena je materijalna šteta i nije bilo povrijeđenih lica. Na gašenju požara učestvovalo je 6 vatrogasnih vozila i 23 vatrogasaca.

Također, u izvještajnom periodu pripadnici Profesionalne vatrogasne jedinice imali su i tri manje intervencije i to: jednu intervenciju na gašenju zapaljenog automobila i dvije intervencije na gašenju zapaljenog smeća u kontejneru.

**Iz općinskih operativnih centara civilne zaštite s područja Kantona Sarajevo, kao i od drugih davalaca informacija** nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

**Elektrodistribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 07:00 sati temperatura u Sarajevu na mjernoj stanici Bjelave je iznosila 14°C, vlažnost zraka 85%, barometarski pritisak 948,8 hPa.

**BIHAMK:** Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije Bi H i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA  
ŠEF CENTRA

**Fahrudin Pribišić**

Dostavljeno:

- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>

e-mail: [oc@kucz.ks.gov.ba](mailto:oc@kucz.ks.gov.ba)

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1